



Nunavut

Inuit Havaktiuyut

Qauyihaaqni

Unipkaaqq

Aulapkaiyini Naittuq

Niqiliqivikmi 27, 2018



**Nunavut Inuit Labour Force Analysis Report (Executive Summary) (Innuinnaqtun) /
Innuinnaqtun: Nunavut Inuit Havaktiuyut Qauyihaqni Unipkaa (Aulapkaiyini Naittuq)**

Tamna Aulapkaiyini naittuq takuinnarialik, Hikutirviani 2018mi, qaritauyakkut iliuriami uumani
canada.ca/publiccentre-ESDC

© Nan'ngariyauyuq Kuin Pilaarutingani Kaanatami, 2018

Naunairyuumirumaguvit piliuffaarninnganut pilaarutinginnik:
droitdauteur.copyright@hrsdc-rhdcc.gc.ca.

PDF

Cat. No.: Em16-15/1-2018Inq-PDF

ISBN: 978-0-660-28502-3

ESDC

Cat. No.: WP-205-11-18-Innu

Titiqat Hunauyangit

1.0	Unniqtutit	2
2.0	Naluhuiqtauluaqtut: inugiaknigt manikhaqhiurutikhalu	4
3.0	Nalunaiqluaqtut: kavamani inigiyauyut, inuqagitut Inuinaqnilu ilagiyauyut.....	6
4.0	Naluhuiqtauluaqtut: Inuit qahaktut kavamani havaktukhat.....	10
5.0	Naluhuiqtauluaqtut: ilauyumanigit kavamani havagiami	12
6.0	Naluhuiqtauluaqtut: hannaiyaqni tahapkunanga Inuit Nunavutmi	16
7.0	Naluhuiqtauluaqtut: piguqhainiq hannaiyarniq atuqhugit iliharniq	18
8.0	Naluhuiqtauluaqtut: Inuit uqauhit ilitquhitlu ilagiyaini tahapkuat kavamatkutni havakhat	21
9.0	Aturniqpat Nalvauni: unniqtutit tapkuninga kavamatkutni havaktit	25
10.0	Naluhuiqtauluaqtut: Nunavummiut atugahuaquyai nakuunipaitlu pitquhit tahapkununga Inuit kavamatkutni havaknit	29
11.0	Iniqtigutit: pipkaqtai Nunavut Inuit Havaktiuyut Qauyihaqni naluhuiqtait katitni tuhaqhittugit Inuit havakhaitnut parnautit havakniahaqhunilu iliharniq	32
12.0	Tukliit atuqtakhat: Nunavut Inuit Havaktiuyut Qauyihaqni.....	35
A1	Ilaliutiyaq: Unniqtutai Aturniqhat Taiguhit	36

1.0 Unniqtutit

1.1 Uqauhiuyut

Nunavut Inuit Havaktiuyut Qauyihaqni unipkaa pijutauyuq “naunaitumik ilituqhaqniganik havaktut Nunavumi Nunataaqviuyumi naunairiagani qahakniginik, ilauyumaniginiklu upalugaiqhimaniginiklu Inuit kavamani havaktukhat” atuqlugu Nakatani 23.3.1-mi Nunavumi Agiqatiriigunmi. Atuqaat Nakatani 23.3.2-mi pijutauyuq ilituqhaqniqmik ima “ilituqhariagani taja ayugijutait qanuraaluklu ilitariyahimayunik ayuiqniginik ukua Inuit havaktut ikayuriaganilu ihuaqhariagani Inuit havaktukhanik upalugaiyautit hivuanilu havaliriaqtinagu ayuiqhajutikhanik.” Nakatani 23-mi takuupkaijutauyuq ahurutaayunik pijutunik amigaiqpaaliriagani Inuit ilaunigit kavamani amigainiginut nalaumaliriagani Inuit.

Pitaqnia aayykkuta tamna tamatkiumayuq 2018 Nunavut Inuit Havaktiuyut Qauyihaqni tuhaqhitaut, tugaqlugu ESDC.NILFA-APAIN.EDSC@hrsdc-rhdcc.gc.ca.

1.2 Qanuriniga

Una unipkaa, ajikutaa 2014-mi Nunavumi Inuit Havaktut Ilituqhaqniganik, ihuaqhaqhimayuq pigahuni hunaunigini uqautauyut Nunavumi Agiqatiriigunmi – **ilauyumaniq, qahakniginik**, qanuraaluklu **upalugaiqhimaniginik** Nunavumi Inuit kavamani havaktukhat. Una unipkaaq ilaqaqtuqlu ilituqhaqniganik kavamani inikhat, ayuiqhayutikhat, Inuit uqauhiit, ilitquhiilu ihumagiyaunigini kavamani havakniqmik, Nunavumiutalu aturumayait nakuuniqhalu pigiarutit ihuaqhivaaliriagani Inuit amigainigit kavamani.

1.3 Ihuaqutit

Una unipkaa pihimayuq ilituqhautinit aalatqiinit naunaiyautini munarijutinilu naunaipkutininik ihuaqutinit. Ilagit atuqtauqatainaqtut ihuaqutini ilaqaqtuq ukuniga:

Nunavumik pijutiqaqluatut naunaipkutininik ihuaqutit

- 2015-mi Inuit Ihumagiyaunik Ilituqhaunmik Naunaiyaut
- 2016-mi Nunavumi Kavamani Havaktunik Naunaiyaut
- 2017-MI ihumagiyaqaqtut ikayuqtiriit kagiqhipkaiyulu uqaqatigiyainiginik

Ajikutait aalat naunaipkutiluanik ihuaqutit atuqtauyut

- Nunaqaqaqtut Inuit Naunaiyaqniq
- 2012-mi Havaaq Hilaqyuami Ilituqhanigagut Iniqnirit Ayuruirutainik
- Naunaiyaqniq Iniqnirit Ayugijutainik
- Hilaqyuami munarilutinut naunaipkutit
- Kititijutit 2016-mi

Nunavumikluaq naunaiyautininik ihuaqutit qaganuaq ihuaqhaqhimaliqtut Nunavumi Inuinaqnik havaqatiriiknigagulu ukua Kavamat Kanatami, Kavamat Nunavumi, Nunavut Tungavitkulu Timiuyuq.

Una unipkaaᑕ ilagiyaa aalat makpiraat ihuaqhaqhimayainik Havaanik Inuujuhiqniklu Pivalianikut Kanatami, imaitumik Nunagiyauyut Qanurininik Ilauyulu Upiqqaᑕniginut Unipkaaᑕ.

1.4 Iilitariyaunigit

Nutaat naunaiyautit uqauhiuyulu uvani unipkaamik agiyumik ikayuutauyut ilauniginut Nunavut Tungavitkut, Kavamalu Nunavumi. Titiraqhimayut uumiga unipkaamik ilitaqhiyumayut upijutigiyainik ilauniginik, pivikhaqqaᑕniganiklu akhuurutainiklu Nunavumiut atuqhimayut upitaami naunaiyautiqtikni apiqutauyunik ilauniginiklu ihumagiyaaqatit ikayuqtiriit kagiqhipkaitiaqtulu uqaqvigiyavut.


Ilaalu, ilitariyumayavut ikayuutainik Pilimakhaivik, Naunaiyautiliqiyit Kanatami, Nunaqqaqtunut Ikayuutunik Kanagami, Kuilu Nunaqqaqtulu Havaqatiriikniginik Ukiuqtaqtumilu Havaanik pivalianiganik uumiga unipkaamik.

2.0 Naluhuiqtauluaqtut: inugiaknigt manikhaqhiurutikhalu

Nunavut inulramiknik, qilamik amigaiyatiqtuuqtunik inuqaqtuq Kanatami

- Atuqat 2016-mi Kititijutitut naunaipkutit, Inuit 85%-guyut amigainigini Nunavumi inugiaqniqini (30-tausit 135-guyut ukunanit 35-tausit 580-guyunit inukni).


Titigauyaq 1: Nunavut inugiaknit



Pitaqvia: Kititauni 2016

- Tapkuat Inuit inugiakni ukiukipyakniqhat – mikhani nappait Inuit Nunavutmi piyut tunganittut ukiulgit 25-nik. Piluaqtumik, atauhiq-pingahuyaqninut Inuit Nunavutmi piyut tungani ukiulgit 15-nik (Titigauyaq 2).

Titigauyaq 2: Ukiungi tapkuat Inuit inugiakni Nunavutmi



Pitaqvia: Kititauni 2016

- Inugiaknigt amigaiqpaliaginaqniqatut nahuriyaat malruukni qulikni ukiuni (20-ni): 2036-tikitpat tamaita inugiaqniqanik Nunavut amigaiqniqnahugiyauyuq 44-tausinik inuknik, Inuinait 86%-guniaqhutik amigainitit (38-tausinik Inuinaqnik) inugiakniqini.

Nunavumi manikhaqhiurutikhat aalatqit manikhaqhiurutit maniqamilu hulijutit ilagiyainik Inuit ilitqhianik

- Amigainiqhat havalaat Inuinait (90%-guyut) ilauhimayut atautimi amigaitqiyaniiluniit igilraat hulijutaini 2012-mi.
- Avataani malguk-pingahuyaqni (68%) tapkuat Inuit (ukiulgit 15+) ilaayut angunahuarniqmik, iqalukhiurniq, tamnaluuvaluniit nanigiaqturniq, nappapyaitlu (45%) katitiginiq nauhimayunik maniqamin.

Kavamani havakviuyut aginiqhaq havaktituyuq Nunavumi

- 2016-mi, 44%-guyut havaktut Inuit kavamani (3-tausit 835-guyut Inuit). Ukunani inukni, 71%-guyut havakhimayut Kavamani Nunavumi, 7%-guyulu havakhimayut Kavamani Kanatami, 22%-guyulu hamliuyut kavamaini ukiuqtaqtumi.¹
- Nahuriyuyut amigaiqpalianigit kavamani havaktut nalautaagayut pijutiqaqniat amigaiqpalianiginik havaktukhat aaniqtailinik ilihagtuliyinilu, havaktitaunigilu Inuit uqayuktut Inuinaqtut (ukua nuuptiriyit).
- Ilagini havaakhani aginiqhanik nalautaagani piyumayuyunik Nunavumi, inikhat ilagiyainiinaquuqtut kavamat havakviini ukunanilu: ilihagtuliyinik, munaqkhat, titiqiyit munaqtit, titiraqvikmilu havaktut naunaiyaviknilu inigiyauni.

Amigaiqpaaliniqhat nahuriyuyut Nunavumi manikhaqhiuqtuni, amigainiqhat nahuriyuyut ihuaqtinik ahivaivaliyut havakviini (uyarakhiuqtit)

- Nunavumi kavamani havaktut atuqniaqtut akitaqutautinik ayugitunit inuknit atuqtukhani ukiuni amigaitut aalat havakviuyut nahuriyaukmata amigaiqpalianiginik (ukua uyarakhuiqtit, hanayilu).
- Uyarakhuiqtit hananiginik ukiuqtaqtumi nahuriyuyut malruiqlutik amigaiqpaaliniqhaquuqtut 2016-mit 2020-mi ukiuni. Uyarakhuiqtiti nahuriyugaluaqtulugit amigaiqpalianikhainik atuqtukhani ukiuni, havakviuyut atulaaqtuq aulagiarutinik ukua aalaguqpalianiginik hilaquami piyumayuyut uyaraktaakhat ihuaqtikhalu nunamit


¹ Una hivuniqhijut pijutiqaqtut Kititijutinik 2016-mi naunaiqkutinik.

3.0 Nalunaiqluaqtut: kavamani inigiyauyut, inuqagitut Inuinaqnilu ilagiyauniginik

Inuit napaini amigainigini qanituaniitut kanatamit ukiuqtaqtumilu kavamani havaktuni Nunavumi


- Inuit piyut taphuminga 50% tapkuat Kavamatkut Nunavut havaktit (Titigauyaq 3) tamnalu 40% tapkuat Kavamatkut Kanata havaktit Nunavutmi (Titigauyaq 4).

Titigauyaq 3: Naamatikkutai tapkuat Kavamatkut Nunavut havaktit tapkuanguyut Inuit tapkuatlu Inuitnaungittut



Pitaqvia: Mikhaanut Naamatikkutai Inungnut Kivgaqtit Tuhaqhittaut, Kavamatkut Nunavut, Matyi 2017

Titigauyaq 4: Naamatikkutai Kavamatkut Kanata havaktit tapkuat Inuit tapkuatlu Inuitnaungittut




Pitaqvia: Januari 2017 Kavamatkut Kanata Inmingni havaktuligiyit tuhagakhat, piplugit tuhagakhat piqaqtitauyut talvani Pilimmaksaivikkut Tamaitnut Kavamait Inuit Havaktit Parnaut

- Tamaini Kavamat Kanatami-kuni Kavamat Nunavumi-kunilu, Inuinait amigainiqhat titiqiqivikni inigiyauyuni kihiani ikitqiyauyut munariyuuyuni atanguyauyunilu inigiyauyuni naunaiyaiyini ayugitut inigiyaini. Hamliuyut kavamaini, Inuit amigainiqhat inigiyauyuni pihimayunik agayukhiit ilihavqiani aniguqhijutinik, havakvikmi ayuiqhaniq ilihavpaalivikmiluniit ikitqiyauyuyaaqtut ukunani munariyuuyut havakvigiyaini ukualu piqariaqaqtut ilihavvikyuanit aniguqhijutinik.

Piqaqtuq havaakhanik tamaini kituniliqaa kavamauyuni havaariyauyukhanilu


- 2017-mi, piqaqhimayut 70 Kavamatkut Kanatami inniqhavamatkut Nunavut inniqhimaittut (27%) (Titigauyaq 6)². Inuit havaktit pihimayai 33% tapkunani tamaitni inniqhimayut inniqhimaittutlu havakhat tapkunani Kavamatkut Kanata tamnal 37% tamaitni inniqhimayut inniqhimaittutlu havakhat tapkunani Kavamatkut Nunavut.

Titigauyaq 5: Inniqhimaitt tapkuatlu Inuit tapkuatlu Inuitnaungittut havaktit tapkunani Kavamatkut Kanata



Pitaqvia: Januari 2017 Kavamatkut Kanata Inmingni havaktuligiyyit tuhagakhat, piplugit tuhagakhat

Titigauyaq 6: Inniqhimaittut tapkuatlu Inuit tapkuatlu Inuitnaungittut havaktit tapkunani Kavamatkut Nunavut



Pitaqvia: Januari 2017 Kavamatkut Kanata Inmingni havaktuligiyyit tuhagakhat, piplugit tuhagakhat piqaqtitauyut talvani Pilimmaksaivikkut Tamaitnut Kavamait Inuit Havaktit Parnaut

- Kavamat Kanatami-kuni, napait amigainigini inuqagitut titiqiviiuyut (25-guyut inuqagitut) titiqiyunikluniit ikayuqtuiyut (6-guyut) atautit talimanit amigainigini inuqagitut naunaiyaiyit inigiyaini ituut (15-guyut).

² Una tuhagakhaq pihimayut tapkunanga Matyi hatqititni tapkuat Mikhaanut Amihutigikkutai Inungnut Kivgaqtiit tuhaqhitautit (TRPS) (ukiumun ukiuni 2001-2017). Atupiaqtuq tuhaqhitni tapkuat amihutigikkutai inniqhimaittut tapkunani GN-kut pilat tatya inniqni havallaktukhanik, inniqhimallaknit havagiyai uvaluniit inmingni nuktiqni tiliugutaunit.

- Kavamat Nunavumi-kuni, qanituani atautit pigahuuniganit inuqagitut (35%-guyut inuqagitut; 454-guyut) nalunaiqtauyut ayugitunit inikhanik tuklualu amigainiqhat inuqagitut inikhat titiqiyunik ikayuqtuiyukhanit havaani (28%-guyut inuqagitut; 358-guyut)³
- Naunaiyaiyit inigiyait (ukua umayuliyit, aalalu pijutiqaqtut naunaiyaiyinit) ukualu munaqhit inikhait (ukua munaqhit) tikuaqtauyut piyumayauniginik qagugunuaq hivunikhani.

Ilihaqpaaliqvikni ilihautini piyumayauyut amigaituni inuqagituni inikhani

- Ukunani 70-ni Kavamat Kanatami-kuni inuqagitunik, 41%-guyut Kavamat Kanatami-kuni inuqagitut piyumayauyut ilihqpaaliqvikni ilihqhimayut mikiniqhani pihimayariaqaqtut. Ilagiarutikhani 12%-mik inuqagitut pihimayariaqaqtut ikiniqhaniq agayukhiit ilihqniqani anigurutinik ilihqnikutlunit piqariaqaqtut 43%-guyut piqariaqaqtut agayukhiit ilihqniqani aniguhimayunik ahianikluniit atulaaqtunik.
- Kavamat Nunavumi-kuni, avatqumayut napaini inuqagitut inikhat (54%-guyut) piqariaqaqtut ilihqviyuani aniruqhijutinik atahiq hitamuniginik (26%-guyut) piqariaqaqtut ilihqpaaliqvikni aniguhijutinik havaamiluniit ayuiqhajutinik. Ilagiarutini, 17%-guyut inuqagitut piqariaqaqtut agayukhiit ilihqniqani aniguhijutinik havaamikluniit ayuiqhajutinik 3%-guyulu piqariaqaqtut havakhutik ayuiqhaniqmik.

Havaqataqtut himautiluniit havaktut havijutauyuq ilaulaaqtunik havaktukhanik ilauyumanirumik havainaqlutik, piqaqata ikayuutinik atuinalaaqatalu ayuiqhajutinik ihariagiyauninik nuunigini

- 2016-mi Nunavut Kavamani Havaktut Naunaiyaqniqani naluhuiqtait tamaitavyak Inuit havakhimaginaqtut (1,200-guyut 92%-mikluniit) ilauyumaniraqmata havakhimagina-riamikni uuktuqlutik havaariyauginaqtukhamik hivuani, ilauyumaniraqlutikluniit piyaamikni inigiyauginaqtukhamik havaamik hivunikhani.
- Ukunani ilauyumayunik havakhimaginariamikni inikhani, avatqumayut napainit (51%-guyut) uqaqtut qauyimavalaa-giniraqmata qauyimagitutikluniit havaakhaqhiuqnikut havauhiyunik, qanituani 60%-guyut qauhimaginiraqtut havaktikhaqhiurutinik, napailu qanituani 49%-guyut) mikiyumik, qauyimaginiraqtuluniit titiriami uuktutinik havauhiqminikluniit atuqhimayaminik ihauqhariagani.

Ilitariyahimayunik ilihautinik ayuiqhajutiniklu ikayuutauniarunaqhiyut ilauyumayuni Inuinaqnit havagumayunit upalugairiagani kavamani havaakhanik

- Havaktikhaqhiuqtit ataniuyut tikuaqhiyut ilihatiaginigini ajikutainikluniit ayuiqniqinik havaamiklu atuqniqinik ukunani uuktuqtuni havaakhanik amigaitunit ayuqhautayut inuqaliriagani inuqagitut inigiyauyukhat.

³ Ibid.


- Ilihaqpaaliqvikni aniguqhinigit piqariaqaqtut amigaituni inuqagituni kavamani havakviuyukhani.

4.0 Naluhuiqtauluaqtut: Inuit qahaktut kavamani havaktukhat

Inuinaqni Nunavumi, qafiunigit havaktukhani ilauhimayut amigaiqpaliahimayut 2001-mit 2016-mut ukiuni

- Akungani 2001-mit 2016-mut, qafiunigit Inuinait havaktukhat ilauhimayut amigaiqhimayut (8,150-mit 12,020-mut) (Titigaulyaq 7).

Titigaulyaq 7: Nunavut havaktiuyut



Pitaqvia: 2016 Kititaunit

- 2016-mi, avataani nappait Inuit Nunavutmi (63%) tapkuat havaktiuyuni piqatauyut, tapkunanga 8,650 havaktiuyut tamnalu 3,370 havaqangittut. Tahapkunanga Inuit havaktut ukiulgit inugiakni Nunavutmi, 45% havaktut tapkuatli 18% havangittut tapkuatli 37% havaktiuyuningittut. Tahapkunanga Inuitnaungittut havaktut ukiulgit inugiakni Nunavutmi, 89% havaktut tapkuatli 3% havangittut tapkuatli 8% tapkunaningittut havaktiuyuni.

Havagittut Inuit ukua kavamani havalaktugauit, ilauyumanirumik kavamani havagiamikni atuqniqatiaqtuniklu ayuruirutiqarumik ayuqhaginirumiklu

- Qafiunigit Inuit havagittut Inuilu havaguiqpaliayut amigaiqpaliayut 2011-mit 2016-mut. Qafiunigit Inuit havagittut amigaiqhimayut 2,295-mit 3,370-mut havaguiqpaliayulu amigainigit Inuit amigaiqpaliahimayut 24%-mit 28%-mut.
- 2016-mi, atauhiq pigahuutpata Inuit qiniqhiayut havaakhamik iniqhihimayut agayukhiit ilihaqviani (1,190-guyut tamaini), qafiunigit havagittut agayukhiit ilihaqvianit aniguqhihimayut amigainiqat Iqalukni (130), Aqviani (130) Kagiqliniqmilu (120).

- Amigainiqhat havagitut Inuit ikiniginik havaakhat (86%-guyut) pijutauluaqtuq nanihigijutainik havaakhamik, kiguani piqaginiginik ilihautinik ayuiqhajutiniklu (56%-guyut) havakhutikluniit atuqhimamayamiknik (52%-guyut) (2012-mi) Nunaqaqaqtunik Inuknik Naunaiyaunmi).

Qanituani maluuk hitamautpata Inuit ilauhimagitut havaktuni, kihiani, ilagit ukua havagitut ilauyumaniarunaqshivut piyaamikni havaakhamik

- Qafiunigit Inuit ilaugitut havaktukhani ikiklivaliahimayut akungani 2011-mit 2016-mut, 7,435-mit 7,210-mut Inuit. Ilainaa amigainiginin Inuit havagitut ikiklivaliahimayut 43%-mit 2011-mi 37%-mut 2016-mi.
- Ukunani havalaagtuni Inuinaqni havagitut 29%-guyut (2,070 Inuit) ilihariaqhimayut 2015-mit 2016-mut ukiumi. Qanituani napainik (49%-guyut 1,880-guyuluniit) Inuit ukiuqaqtut 15-nit 29-mut havagitut ilihariaqhimayut ihumagikpata 5%-guyut (185-guyuluniit) ukunani ukiuqaqtut 30-nik avatanulu havagitut.
- Atuqata Nunaqaqaqtunik Inuknik Naunaiyaut, ilituriyugut ilagit Inuit havagitut ilauyumainaqutut piyaamiknik havaakhaminik.

Nutaqijjutit, aaniarutilu, inuujuhiqmilu naglikhaarutit aktuqniqaqtut Inuknit aturiami ayuiqhajutinik havaaniklu


- Atautimi 27%-guyut Inuit havaktut 24%-guyulu Inuinaugitut havaktut uqaqtut nutaqiqiviqariagani atuqtakhamik una atauhiuyuq hivuliuyuni pigahuni ihuahautikhat ila amigaiqpaaliriagani Inuit kavamani havaktut Nunavumi (2016-mi Nunavumi Kavamani Havaktunik Naunaiyaunmi).
- Umanga Inuit Ihumagiyaini Ilituqhautinik Naunaiyaunmit 2015-mi, 23%-guyut Inuit kavamani havagitut uqahimayut aaniarutiqaqniraqhutik ayuqhautauniaqiginik havagiami kavamani.
- Inuujuhiqmi naklikhaarutit ahini ilihariaqnitmit ilihavvikni hatqiruyayut kituliriini inuknik aktuqtaniginik Nunavumi Inuinaqnik atuqnahuaqtuni igilraat hulijutainik, ilihautinik, havauhiuyunik, manikhaanik, niqiqatiaqniqmik, timimi ihumamilu aaniagijutinik. Atautimuknigit naklikhaarutit atuqhimayait Inuit, alaguqtinahuaqniqanilu inuujuhiq ahini ilihariaqniup atuqtauhimayuy, uqatiaqhimayut uvani Itqumayunik Haimaqhautikhaniklu Kamisiuyuy Kanatami Kiguliqmi Unipkaami: Piyaagani Haimaqatiriikniq. Tamatkiumayuy ukuniga atuqhimayunik aktuqniqiniklu naniyaulaqtut ukunani unipkaani.

5.0 Naluhuiqtauluaqtut: ilauyumanigit kavamani havagiami

Avatqumayut amigainigit Inuit havagitut kavamani ilauyumayut havagiamikni Kavamani Nunavumi Kavamaniluniit Kanatami, Inuinait aqnat uuktuqniaquuqhutiklu havaakhamik havaktitailiriaganilu

- Takuukhauyumi Titirauyaaq 5-mi, 58%guyut Inuit kiuyut Inuit Ihumagiyaini Ilituqhautmik Naunaiyaunmi havagitut kavamani uqaqtut ilauyumaniraaqhutik Havagiamikni Kavamat Nunavumi-kuni 51%-guyulu ilauyumayut Kavamat Kanatami havaani.

Titigauyaq 8: Interest in government work




Pitaqvia: 2015 Inungnit Uqauhit Naunaiyaut

Tuhaqhit: Piguqhautit kititauyut piplugit kiutyutit tapkunanga Inuit tatya havangittut kavamatkutni.

- Inuit piyumangittut havkniq ilaliknik hilami havaqnik (68%) kinguagut ilihautinit Inuit ilitquhiqnik huliniit (60%) aulatyutinutlu havat (51%) (Titigauyaq 9). Amihut Inuit piyumayut havaqni ilalgit hilami havat, kihimik, tpakuatuaat 5% Inuit piyumayut havaqnik kihimik ilaliknik hilami havaqnik.

Titigauyaq 9: Kavamatkutni havat piyauyumayut tahapkunanga Inuit tatya havangittut kavamatkutni



Pitaqvia: 2015 Inungnit Uqauhit Naunaiyaut
 Tuhaqhit: Piguqhautit kititauyut piplugit kiutyutit tapkunanga Inuit tatya havangittut kavamatkutni.

- Inuit ilauyumaluaqtut havaani ilaqaqniqanik hilamiitaami havakniqmi kiguanituuq ilihaiyaagani Inuit ilitquhiini hulijutinik titiqijutinilu havaanik.
- Kavamat Nunavumi-kuni, amigainiqhani, talimauyut Inuit uuktuqtut atuni havaami akitaqutaunmi 2016-mit 2017-mut.
- Ukunani 2, 906-guyuni Kavamat Nunavumi-kuni uuktuutini pihimayut Nunavumi Inuinaqnit 2016-mit 2017-mut, 73%-guyut aqnanit pihimayut 27%-guyulu agutinit.
- Aqnat Inuit amigainiqhaugaluit Kavamat Nunavumi-kuni havaktut, ilagani Inuit havaktitauyut agutauyut amigaiqhimayut akungani 2015-mit 2016-mut, 15%-guyumit 26%-guyumut.
- Kavamat Kanatami pihimayut 128-nik uuktuutinik ahiini takuupkaqtitijutini Nunavumi Inuinaqnit 2016-mit 2017-mut. Kavamat Kanatami pihimayut tamainit pigahunik uuktuutinik Nunavumi Inuinaqnit atuni takuupkaqtitauyu-mi inikhamik 2016-mit 2017-mut,

amigaitqiyavyak tamaini atauhiqmik Nunavumi Inuinaqnit uuktuutauyuq atuni takuupkaktitaunigani inikhaq 2015-mit 2016-mut.

Inuit ilauyumayut kavamani havagiami aktuqtaulaaqtut ihumagiyauniganik ikayuqnganik Inuit iliquhianik, humiiniganiklu inikhaq havakviuyumi

- Ilagit Inuit (36%-guyut ukunani taja havagitut kavamani) uuktulimagitut kavamani havaakhamik ahianik ihumagiyaqaqniaqtut qauyimagumi una havakhigiyakhaqtik ikayuqtuiniqat Inuit ilitquhianik.
- Amigaitut Inuit (25%-guyut ukunani taja havagitut kavamani) uuktulimagitut kavamani havaakhamik ahianik ihumagiyaqaqniaqtut havakviuyukhaq iniquaqniqat agilramikni nunagiyauyumi.

Amigainiqhat Inuit naanaguhuinagaluahutik kavamani havagiami, naunaitut pijutit havaami nakuugihuiqpaliakmagit ukunani havaktuni

- Humiliqaa Kavamat Nunavumi-kuni Kavamanilu Kanatami, 92%-guyut Inuit havaktut uqaqtut naamagiinaqniraqhugit havaariyatik.
- Pijutauluaqtut naamaginigani ukunani Inuinaqni kavamani havaktut ilaqaqtut ihuaqhilaaniginik havagiami atuqtukhanik, ikayuuhianik, havaqatiriyatiklu namainaqniraqhugit. Havagiami nunagiyauyumi tikuaqtamikni uqautauyuqlu Kavamat Nunavumi-kuni havaktunit, havaaqainariagani havaktulu igluqariagani uqautauyut Kavamani Kanatami havaktunit ihuaqniraqhugit.
- Qahaknigit nutaqiqjijutit, ikayuut havaamik pivalianigani pivaalirutikhamilu, havaktulu aalaguqataqngit tikuaqtauyut Kavamanit Kanatami Kavamat Nunavumi-kunilu havaktunit ihumaluutauniginik. Kavamat Nunavumi-kuni, qahaknigit havaktut igluukhait igluqaqtulu ikayuuhiakhainik uqautauhimayulu ukua ihumaluutauniginik.

Ikinigit nakuuyut, ihuaqtut, akituvalaagitulu igluukhat Nunavumi ilaujutauhuiqpaktut kavamani havaakhani, ukunaniluaq nuutariaqaqtuni kavamani havaami (ayuiqhajutimiluniit) qulaqnaiyautauginmat atuinariaqaqnganik igluukhamik

- Nunavut ikitpalaanik akituvalaagitunik nakuuyuniklu igluukhanik ayuqhautauvaliayuq kayumiktumik inugiakhivalianiganit, ugahiqtumiunigit aktuyulu hanayakhat hanajutinulu akitunigit, amigaitqiyaunigilu ahiruqpalianigit igluukhat pijutauyuq ukiuqtaqtumi hilaqaqniqmit. Ilauyut uqaqtut ikinigit igluukhat ayuqhautaulaaqmata aturiagani ayuiqhajutikhanik ilihautikhaniklu nuutaganilu piyaagani havaakhamik.
- Qafiuyuknaqhivut Kavamat Kanatami Kavamat Nunavumi-kunilu inikhat havitivaktut havaktut igluukhainik ikayuutauyaagani havaktukhaqhiuqniqmi. Amigaitut havaktut – ukualuat havaktut Kavamani Kanatami – naamaguhuktut qahakniginik havaktut igluukhainik.

Taimaitkaluaqtilugu, amigaitut Kavamat Nunavumi-kuni havaktut naamaguhugitut qahakniginik havaktut igluukhait (37%-guyut), ilauyumagijutaulaaqmat Kavamat Nunavumi-kuni havaktuukhanik Inuinaqnik.

- Kavamat Nunavumi-kuni igluliqinikut pitquhia ihuaqhaqtaugaluaqtilugu tuniuqhariagani igluukhat ihuaqtumik atulaaqtunit havaktunit, atuqtauluaqnigit igluukhat havaani ukunani quliriini ihuitumik aktuqniqalaaqtut Inuinaqnit ihumagiyaqaqluatunik titiqiviuyunik havaanik quliriini.

Amigaitqiyat Inuit kavamani havaktut agitqiyamik havaamik tuniyauhimaliqitut atuqhimayuni 12-ni tatqiqhiutini naunaiyaqata Inuinaugitut havaktut

- Inuit 61%-guyulu kavamani havaktut pihimayut agitqiyamik havaakhamik atuqhimayuni 12-ni tatqiqhiutini.

Ilauyumanigit havakhimaginariagani amigaitut Inuinaqni taja havaktut taimuga atuinalimagitumi kavamani havaani, ukuaguniaruhaqhvut atautimi ilauyumayut qahaktulu Inuinait havaktukhat

- Ukunani 1,310 Inukni taimuga havalimagitut kavamani havakutni, 1,200 (92%-guyut) uqaqhimakmata ilauyumaniraqhutik havakhimaginariamikni kavamani, uuktuqlutik taimani tajaluniit ilauyumaniraqlutik.
- Tamaini Inuit taimuga havalimagitut, 720 (55%-guyut) uuktuqhimayut taimuga inikhamik ilagani inuujuhimikni atuqhimayamikni.
- Atautimut 590 Inuit taimuga havalimagitut kavamani havaktuni uuktuqhimagitut taimugaraalukh kavamani havainariamikni. Ukunani, nahuriyayut 470e (80%e –guyut) taja ilauyumayut taimuga kavamani havakhamik Nunavumi aturiamikni.

6.0 Naluhuiqtauluaqtut: hannaiyaqni tahapkunanga Inuit Nunavutmi


Piqattiangitnia iliharniq havakniqmutlu atuttiaqhimitnia pilagutai akhuqyumiyauyut tuluqtautit itilaqninut puqtuhivalliqninutlu kavamatkutni tahapkunanga Inuit

- Qanugitnit tapkunanga 2016 Nunavut Kavamatkut Havaktit Naunaiyaut unniqtai tahapkuat amihuniqhat havaktit havaktikhaqhiurniqmun havalgit uqaqtai tuluqtautit tugangayut piqattiangitni iliharniq piyaqaqnit (66% tapkuatluniit 210 inungnik) havakniqmutlu atuqhimanit pilagutai (59% tamnaluniit 190 inungnik).
- Pigaluaqtitlugit amihut Inuit ilittugiyai piyaqarniq iliharniqmik, ikittut piqattauyut puqtuhivaligahuaqni ilihautit piplugit tuluqtautit piqatauni iligiyanut piyaqartaqtik piqattiangitninutlu nunalikni iliharniqmun pilagutit. Nalvauni tapkunanga 2015 Inungnit Uqauhi Naunaiyainiq Naunaiyaut tuhaqhitaut uqaqhimayai tahapkuat amihuniqhanik Inuit (90%) pilaqtut akiliqtugauhimaittumik iliharniq nunaligiyaingni, piplugit pingahuyaqni-hitamanit iniqhilaqtugiyut ilihautimingnik qagitauyakkut (75%).

Tahapkunanga kavamatkut havaktini, Inuit kamayiuyut pilarniqhauyut puqtutqiyaniq ilihaqnit hutqiyauninut tahapkunanga kamayiungittunit havaqatainut

- Ilaa piqpiaq, 90% kamayiuyut iniqtai puqtuniqhani iliharniq ilihatqikharniquniit hutqiyauninut tapkuat 79% kamayiungittunit.
- Tahapkuat iniqhimanit amigaitni puqtutqiyat tahapkunanga takuyayunit tamaitnit Nunavut Inuit ukiulgit 20 avataanutlu (Titirauyaaq 6).
- Tahapkuat inirtiqni aktilat puqtutqiyat hunanit tautuktaptingnit tahapkunanga tamaitnit Nunavut Inuit ukiulgit 20 avataanutlu (Titigauyaaq 10). 2016-mi, 44% tapkuat Inuit (ukiulgit 20 avataanutlu) iniqhiyut puqtuniqhat ilihaqnianik uvaluniit avataanut.

Titigauyaaq 10: Naamatikkutai Inuit Nunavutmi (ukiulgit 20 avataanutlu) pihimayut puqtuniqhanik iliharniq avataanutluniit, 2001-2016



Pitaqvia: Kititaunit/Nunaqyuaqmi Iglumiutagit Naunaiyautit 2001, 2006, 2011, 2016

Pivaliatitni ayuitnit ilagiagutaulat Inuit hannaiyaqni kavamatkutni havaktinit

- Tapkuat ayuitniqnut akunniqaqni⁴ Inuit avaktitauyut kavamatkutni tahapkuatlu hilataani kavamatkut tahapkuat ayuitnit:
 - Naunaiyaqni qauyihaqnilu
 - Qagitauyanik ayuitnit tuhagakhatlu pitquhiliqutit
 - Qanugittunit titigaqnilu
 - Tuhagakhat itiqvigini titiqatlu ihuaqhaqni
 - Maniyaunimik ayuitnit
 - Taimaitumik, pivaliatitni tahapkuat ayuitnit tahapkunanga Inuit piyumayut kavamatkutni havakniqmik ilagialat hanaiyaqnit.
- Inuit havaktut kavamatkutni pilarniqhauyut havakniq hilataani kavamatkut tahapkuatlu piyumayut kavamatkutni havakniq tuhaqhitaqutit pihimani tahapkuninga ayuitnit. Kavamatkut havakhait piqartut puqtuniqhanik inniqhimaitni amigaitni (naunaiqkutagiplugu, aulatyutit ikayugutit, naunaiyainiq-tugangayut havakhat) atuqniqhaulat amihunik tahapkuninga ayuitnit.

Piguqhainiq ilihimanit havaktikhaqhiurniq pityuhit piyalgitlu tatyavavakhanut ilagialat pilaqnikhai Inuit itiqni puqtuhivalliqnilu atuqhugit kavamatkutni havakhaqhiugutini

- Katitlugit tahapkuat 43% tapkuat Inuit havaktit pihaiyut naliaknik ilanganikluniit illitugingittut qanuqtut atuttiaqni apiqhuqtauyagangat havakhamun, pititlugit 36% piyut naliaknik ilanganik illitugingittut qanuqtut aulani havakhanut pityuhit tapkuatlu 34% ilanganik illitugingittutluniit qanuqtut titigarniq unnittiaqhimayunik ayuitniqmingnik unniqtutlu titigaq. Qangahaq pinahuaqni ilagit tapkuninga Nunavummiut piqatauyut naunaiqmiyai tahapkuat ikayugutit piqartuq ikayugutinik attaqtuhihalliqni imaitunt ilihagutikhat

⁴ Ayuitnit piqangilgut naunaiqtauyut naunaiyaqhugit qauyihaqni aalatqiknit tapkunanga ayuitnit atuqtauyut tapkunanga Inuit kavamatkut havaktit kavamatkungittutlu Inuit piyumayut kavamatkutni havakniq.

7.0 Naluhuiqtauluaqtut: piguqhainiq hannaiyarniq atuqhugit iliharniq

Inuit havangittut kavamatkutni hanmiyai tuluqtautit pitaqninut iliharniq ilihautiniklu

- Katitlugit tapkuat 57% tapkuat Inuit havangittut kavamatkutnut (kihimik piyumangittut kavamatkutnut) ukpiguhuktut piyaqalat ilahaqtitauvallirniq uuktugiamingnik [2015 Inungnut lhumagiyayuyut Naunaiyaqnit].
- Inuit havangittut kavamatkutni tuhaqhityutai tahapkuat quttikniqpat pityutit hungmat piqataungitninut iliharniqmik ilihautinikluniit: Ilagit havagiyaqaqni (27%) piqattiangitni ilihatqikhaqhimaniq iliharniqmutluniit pilaqnit kiuyuni angilgaini nunaliuyumi (15%) [2015 Inungnit Uqauhi Naunaiyainiq Naunaiyaut].

Naahautit naunaiyainiqlu ayuitnit pivaliatitni ilagiagutaulat hannaiyaqninut piyauyumaqpiaqtut havanguyut

- Tapkunani Kavamat Kanatami-kuni, 23% inniqhimaittut piyalgit naunaiyainiqmun-tugangayut alilayuqtat avataanutlu. Kihimik, ikipyaktut Nunavutmi Inuit pihimayut naunaiyainiqmun alilayuqtaqni (10 inuit talvanga 2016).

Pigaluaqtitlugit amihuyut piyumayut ilihaqpallirniqmik ilihautinik, Inuit tuhaqhityutai tahapkuat illitugiyauttiangitni rahapkuninga pilaqninut tuluqtautayut

- Taty Inuit kavamatkut havakti tuhaqhityutigiya tapkuat tukligiya atuqpakniqhat tuluqtautit iliharniqmun tamna ilihimangitni illitugingitniluniit tahapkuat ilihautit pipkagaulaqa.


Inuit kavamatkut havakti ilihaqhimayut pihimaniqhauyukhat piplugit ksmsyiuyunut havaqatailu ikayuqhiutini hutqikninut tahapkuat Inuinaungittut kavamatkut havaktit. Tamaitnut, Inuit kavamatkut havakti pihimangitniqhaulat iliharniq qangihami ukiuq hutqikninut Inuinaungittunit

- Nappapyai Inuit kavamatkut havakti (45%) uqaqtat ilihaqhimayamingnik qangihami ukiumi hutqikninut mikhaani ilanga-tallimauyaqa Inuinaungittut kavamatkut havaktit (18%).
- Inuit atuqhimayut titiqatigut iliharniq qangihami ukiumi naunaiqhimalarniqhat Inuinaungittunit pihimayut iliharniq piplugit kamayiuniqmun atugahuaqyuaunit, havaqatinut atugahuaqyuaunit piplugitluniit kamayiuyut piyaqaqnit ilihagiaqarniq. Inuinaungittut ilihaqhimalarniqhauyut inmingnut piyumaniqmun, piplugit ikayuqtai taty havagiyainut, atugiaqaqtitauniluniit havagiyainut.

Qagitauyanut ayuitnit hivuliqtiunilu maniyaunilu iliharniq tapkuat ilagiyai titiqatigut iliharnit piyauyumayut anginiqpamik avikhimanit tapkunani Inuit kavamatkut havaktit

- Qanugittuni iliharniq tamakuat piyauyumanipat tapkunanga Inuit kavamatkutni havaktit ilagit qagitauyaliginiq ayuitnit (1,830 Inuit kavamatkut havaktit piyumayut) kiguliqaqhutik hivuliqtiuniqmik maniyauniqmiklu (1,800), inmingnik pivaliatitnit (1,490) tamnaluhavaktiuqpiactut iliharnit (1,440) (Titigauyaq 11). Avataani nappait Inuit (53%) tapkuatlu Inuitnaungittut (59%) kavamatkut havaktit piyumayut hivuliqtiuniqmik maniyauniqlu iliharniit.

Titigauyaq 11: Qanugittuni ilihautit piyauyumanipat tahapkunanga Inuit government employees



Pitaqvia: 2016 Nunavut Kavamatkut Havakiyuyut Naunaiyautit

- Pigaluaqtitlugit amihut piyumani, hutqikninut ikittut Inuit atuqhimayai taimaittut iliharnit.
- Inuit ipiyumayut maniyauniq hivuliqtiuniqlu iliharnit piyumaniqhaulat ukiulgit 30 tikitlugu 39 puqtuniqhaniklu iliharnit uvvaluniit hilattuqhaivikmi iniqhiyut.

Nakuniqpat pitquhit pivaliatitninik iliharniq tapkununga Inuit ilalgit hanayauninut tamatkiumayut ilitquhiqunutlu tugangayut ilihaqnit

- Piqatauyut pinahuaganut ilagit apiquhunitlu naunaiqtai tahapkuat ilihaityutikhat ilitnit tugangayut iliharniqnut pityuhit ilaliutinilu piguqhainiq hannaiyaqnit tapkununga kavamatkutni havakniq:
 - Atuqhuni aalatqinik ilihainiqmun pityuhit: qagitauyakkut, ahinittuni, nunalikhnilu-piyaulat atulaqnit;
 - Piplugit tamatkiumayunik pityuhit iliharniqmun ilihaiyiqaqhuni hakugiktumiklu ikayuqtutit havaktiqaqhuni ilihaqtunut;
 - Ilaliutyaqni ilitquhiqunut-tugangayut ilagiyainik; tamnalu
 - Pipkainiq ilihainiq pivaliatitnit titiqatigut ayuitniq ilagiplugit inmingnut ayuitnit, Inuit pinnagiyai pitquhitlu.

8.0 Naluhuiqtauluaqtut: Inuit uqauhit ilitquhitlu ilagiyaini tahapkuat kavamatkutni havakhat

Amihuniqhat Inuit kavamatkutni havaktit ihumayut tunngahuktitauni atuqnik Inuktut havakvikmi

- Inuit hitamat avatai-saivatlu tapkuat Inuit kavamatkut havaktit uqaqtai tunngahuktitauyamingnik ilaliuttiyaunilu havakvikmun. Kihianik, Inuit hitamat avatai angiqhimaittut uumunga uqauhiqmun (Titiqat1).


Titiqat 1: Piyaunit tahapkuat Inuit havaktit ukpigiyai tahapkuat havakvit ililiutyaqni Inuit Inuuhit Pinnagiyai (ISV) tapkuatlu Inuit Qaujimaqatugangit (IQ)

ISV-ngi tapkuatlu IQ-ngi ihumagiyauni	Akhut tamnaluniit ilangagut angiqta	Pingittuq angiqnia angingitnialuniit	Akhut ilangagutluniit angingittuq
Upigini havaqatit, nakuuyumik havaqatigit piqatiginiluh ihumaginilu ahii pinahuaqyayuyut (Inuuqatigiitsiarniq)	81%	10%	10%
Ihumayunga tunngahuktitauniq ilautitauniqlu (Tunnganarniq)	87%	5%	8%
Ihumamiqtunga ilauyakhaq ilitquhiqni ahiilu huliniit hilataani taphuma havakviuyup atuqtitlugu havaknami ikagani (Pijitsirniq)	74%	14%	12%
Ihumaliugutit piyayuyut havaqatigikhuni, ikayurtigikniq, tamnalu angiqatigikniq-piyaunahuat ihumaliurniq (Aajiqatgiinniq)	77%	11%	13%
Ihumayunga ikayuqtauniq pivaliatitninit nutaq havaqmun-tugangayuq ayuitnit (Pilimmaksarniq or Pijariuqsarniq)	74%	15%	12%
Pihimayugut atuqatigikniq kangiqhimaqatigikniq piyaunahuanik ihumagiyaniklu hunanik pinahuaqniqut pinahuaqtanik (Piliriqatgiiniq or Ikajuqtiigiiniq)	78%	11%	11%
Ihumagiyaayuyut tuhaqtauyumayut pinahuaqyavutlu uuktuqni nutat pityuhit piyauninut hunat (Qanuqtuurniq)	83%	8%	9%
ilihimaniq tahaphuminga Nunavutmi avatigiyainik nunamiklu pinnahiyayuyuq (Avatittinnik Kamatsiarniq)	75%	15%	10%

Pitaqvia: 2016 Nunavut Kavamatkut Havaktit Naunaiyautit

- Hitamat tapkunani tallimat Inuit kavamatkuyt havaktit naunaiqtai pihimaniqqaqtut ilaitniugaluaq ayuitnilgit Inuktitut uvvaluyniit Inuinnaqtun (Titigauyaq 12). Tahapkunanga havaktinit, Inuktut atuqtauyuq tapkunanga 85% havakvikmi tamaitnit, kihimikli 33% tuhaumatyutini kamayigiyamingnut, tapkunangaluttauq 83% tuhaumatyutinut havaqatimingnut.

Titigauyaq 12: Proficiency in Inuktitut or Inuinnaqtun among Inuit and non-Inuit government employees



Pitaqvia: 2016 Nunavut Kavamatkut Havaktit Naunaiyautit

- 2016-mi, 86% tapkunanga Inuit Nunavutmi uqaqtut Inuit uqauhianik angilgamingni naliaknik aturniqhauplugu uvaluniit atuqattaqhugu. Una aayykkuta tapkunanga tautuktamingnut 2006-mi (85%). Tamna naamatikkuta uqaqtut Inuktut aturniqhauplugu uqauhiq angilgamingni ikilivalliqitut talvanga 64% tikitlugu 60% akungani 2006 tamnalu 2016 [Kitautayut 2006 tamnalu 2016].
- 2016-mi, 78% tapkuat Inuit Nunavut atuqtat tamna Inuit uqauhiat havakvikmi naliaknik aturniqhauplugu uvaluniit atuqattaqhugu. Una ayyikkutagiya hunat tuhaqhitauyut 2006-mi (80%). Tapkuat naamatikkutai atuqtut Inuktut aturniqhauplugu uqauhiq havakvikmi ikiklivalliqitut talvanga 41% tikitlugu 38% akungani 2006 tamnalu 2016 [Kititauni 2006 tamnalu 2016].

Havakvikmi Inuit Inuuhit Pinnagiyat (ISV) / Inuit Qaujimaqatungit (IQ) atatyutiyut tapkunanga Inuit kavamatkut havaktinut havat havaktit havq naamagini pihimainnaqnilu


- Inuit kavamatkutni havaktit ihumagiyaini havakvikmun ISV/IQ ilaa tugangayut havaqnut naamagiyainut, piyumani huniumaitni kavamatkutni, piyumanilu titiqatigungittuq havakvikmi iitpalianit.

- Tahapkunangag Inuit kavamatkutni havaktit ihumagiyaini havakvikmun ISV/IQ ilaa tapkuat naunaiqtat ihumagiyai qimakni tatyha havagiyaaqtik, ilagiyat atuqtauvakniqhaq pityut taphuminga qinirniq ahianik havakhamik tamna atugumania ilihimaniqtik Inuit inuuhit, ilitquhit maniliugutailu.
- Qangahaq havaktikhaqtanguyut pilarniqhauyut tahapkunangaunganit havakhaqtunit tuhaqhitaini ilihimaniqtik Inuit ilitquhit, inuuhiqmun maniliugutinutlu piyaaqnit pitaqnit tatyha havagiyainut.

Atularniq Inuktut havakvikmi aturniqaqpiartuq tahapkununga Inuit kavamatkutni havaktit

- Tahapkununga Inuit kavamatkutni havaktit ilangagut atuttialat Inuktitut tamnaluniit Inuinnaqtun, amihuniqhat (78%) ihumagiyat atuqpiartuq atulaqnianik tapkuat uqauhit havakvikmingni. (Titigauyaq 13).

Titigauyaq 13: atuqpiaqnia atuqnia taman Inuit uqauhia havakvikmi (tahapkununga Inuit havaktut ilanganikluniit attuttialat Inuktitut tamnaluniit Inuinnaqtun)



Pitaqvia: 2016 Nunavut Kavamatkut Havaktit Naunaiyautit

- Atulaqnia Inuktut havakvikmi nalvauyuq nakuuqpiartuq tugangania tahapkununga Inuit kavamatkutni havaktit Nunavutmi, piyumani atugahuaqtitni, piyumani titiqatigut ilihaqpalliqli, piyumanilu maniyauniqmik hivulirniqmiklu iliharniq.

Ilanga pingahunit Inuit kavamatkutni havaktit piyumayut havamingnut-tugangayunik uqauhiqmik ilihaqniq. Kihimik, ikittut Inuit havaktit atuqta uqauhiqmik iliharniq qangihami ukiumi

- Avatitlu qullitlu aqvinilitlu puqaunit Inuit kavamatkutni havaktit piyumayut uqauhiqnik iliharniq. Unana ilagiyta tamna 59% tapkununga Inuinaungittut havaktit.

- Siksit pusauyut tahapkuat Inuit kavamatkutni havaktit atuqtai uqauhiqnik iliharniq qangihami ukiumi. Hutqiknia, uuma ilagiya tamna 13% tapkununga Inuinaungittut havaktit.

9.0 Aturniqpat Nalvauni: unniqtutit tapkuninga kavamatkutni havaktit

Inuit kavamatkutni havaktit ilalgit avataani nappai tamaita kavamatkut havaktit, kihimik tungani nappaita tamaita kavamatkut kamayit

- Tamaitnut, 53% tapkunani kavamatkut havaktit Nunavutmi tapkuanguyut Inuit, tapkuatli 47% kavamatkut havaktit Inuitnaungittut.
- Avataani nappait tapkuat havaktiunginnangittut tapkuanguyut Inuit (52%). Tapkualuttauq, avataani atauhiq-pingahuyaqni Inuit havaktit havaunangittut (36%).
- Malguk Inuit avatai hitamatlu pusauni kavamatkut kamayit Nunavutmi tapkuanguyut Inuit. Inuit kavamatkutni havaktit pilaitniqhauyut kamayiuyuni havalgit tapkunangaunganit Inuinaungittut (23% tapkuatluniit 32%).

Hutqikni tapkunanga Inuit aqnat, Inuit angutit tungauhimagayut amihutikkutai avikhimani tapkunani kavamatkutni havaktit Nunavutmi tamaitni. Tahapkunanga Inuit kavamatkutni havaktit, aqnat avatquhimagayut amihutikkutai avikhimani havainangittuni kamayiuyut havagiyaini

- Inuit kavamatkutni havaktit piniqhauyut aqnauni (82%). Piplugit 88% tahapkuat Inuit havainangittut havaktit aqnauyut, Inuit aqnait pilarniqhat tapkunangaunganit Inuit angutit havainangitnik havaqni (39% tapkuatluniit 23%).
- Piplugit 70% tahapkuat Inuit kavamatkutni kamayiuyut aqnauyut, Inuit angutit pihunguyut malguiqnik pilarniqhat tapkunangaunganit Inuit aqnat kamayiuni (36% tapkuatluniit 20%).


Amihuniqhat Inuit havaktit piniqhaulat atuttialaqni Inuktut, pigaluaqtitlugit aqnauni angutauni

- Tikitqayaqtut 80% tahapkuat Inuit havaktit kihimiklu 9% tahapkuat Inuinaungittut havaktit pihimalarniqhat atuttialaqni Inuktut tamnaluniit Inuinnaqtun. Inuit angutit tapkuatlu Inuit aqnat ayyikkiktumik atuttialaqniqhat Inuktut tamnaluniit Inuinnaqtun.

Inmingnik-tuhagaupkaqni piqataunit havakhanut-tugangayut iliharniq tamaitnut maniyauniqmutlu hivulirbniqmutlu iliharniq talvani qangihami ukiuqmi ikitniqhauyut tahapkunanga Inuinaungittut kavamatkutni havaktit, piplugit havakhat qanugittuni aqnaunilu angutaunilu. Tahapkunanga Inuit havaktit, piqartuq angipyaktumik aalatqikni havagiyainut qanugittuni aqnaunilu angutaunilu

- Hutqikninut Inuinaungittut, Inuit pivakniqhaulat 40% pilaitniqhauni havakhaqtaqni kitunikliqak havanut-tugangayut ilihqnit (50% tapkuatluniit 81%) tapkuangulgayaqtutlu 60% pilaitniqhat pihimani hivuliqtiuniq maniyauniqlu ilihqnit (9% tapkuatluniit 20%) qangihami ukiumi. Una allauyuq tapkunanga Inuit hunaunit piniqhauyut naunaitni aqnait.
- Angutit Inuit kavamatkut havaktit Inuit kavamatkut havaktit (69% tapkunangaunganit 45%). Tapkuat naamatikkutai Inuitnaungittut kavamatkut havaktit ilihqhimayut qangiqtumi ukiumi ayyikkutapyai aqnait angutitlu (Titigauyaq 14).


Titigauyaq 14: Inuit tapkuatlu Inuitnaungittut kavamatkut havaktit piyat havaqmun-tugangayutq iliharniq aipangani aqnatigut angutitigut



Pitaqvia: 2016 Nunavut Kavamatkut Havaktit Naunaiyautit

- Angutit Inuit kavamatkut havaktit pilarniqhat atuqhimani hivuliqtiuniq maniyauniqlu ilihqnit qangiqtumi ukiumi hutqiyauni aqnat Inuit kavamatkut havaktit, 14% tapkunangaunganit 7% (Titigauyaq 15). Piqangittuq kititauninik angipyaktumik aalatqikni tapkuat naamatikkutai Inuitnaungittut kavamatkut havaktit atuqhimayai hivuliqtiuniq maniyauniqlu ilihqnit aqnatigut angutitigut.


Titigauyaq 15: Inuit tapkuatlu Inuitnaungittut havaktit atuqtat hivuliqtiuniq maniyauniqlu iliharniq, aqnaunitigut angutaunitigut



Pitaqvia: 2016 Nunavut Kavamatkut Havaktit Naunaiyautit

- Tahapkunanga Inuit, 39% havaktiunginnangittut havaktit atuqtat havaq-tungangani iliharniq qangiqtumi ukiuqmi, hutqiyauni tapkunanga 55% tapkuat havaktiunginnangittut havaktit tapkuat 55% (Titigauyaq 16). Mikhaani 80% Inuitnaungittut atuqtat havaqmun-tugangayut iliharniq qangiqtumi ukiuqmi, qanugittugaluaqtitlugu havaktitaunia qanugittunia.


Titigauyaq 16: Inuit tapkuatlu Inuitnaungittut havaktit atuqtat havaqmun-tugangayut iliharniq, tapkunanga havaktiunginnartuq/havaktiunginnangittuq havaktit qanugitnit



Pitaqvia: 2016 Nunavut Kavamatkut Havaktit Naunaiyautit

- Tahapkunanga Inuit, havaktiunginnangittut havaktit pilaitniqhauyut tapkunangaunganit havaktiunginnangittut havaktit atuqhimani maniyauniq hivuliqtiuniqlu iliharniq qangiqtumi ukiuqmi, 6% tapkunangaunganit 10% (Titigauyaq 17). Mikhaani atauhiq tapkunanga tallimat Inuitnaungittut havaktit atuqtat maniyauniq hivuliqtiuniqlu iliharniq aipangani naliangugaluaqat havaktiunginnartuq imannaqluniit.

Titigauyaq 17: Inuit tapkuatlu Inuitnaungittut havaktit atuqtat hivuliqtiuniq maniyauniqlu iliharniq, tapkunanga havaktiunginnartuq/havaktinginangittuq havaktit qanugitnit



Pitaqvia: 2016 Nunavut Kavamatkut Havaktit Naunaiyautit

10.0 Naluhuiqtauluaqtut: Nunavummiut atugahuaquyai nakuuniqpaitlu pitquhit tahapkununga Inuit kavamatkutni havaknit

Nunavummiut piqatauyut piqagutauqpiaqtut naunaiqninik tatya atuqtut nakuuniqpanik pitquhit atugahuaqunilu

- Pititlugit Inuit amihutigininut avikhimani amigaitni kavamatkutni havakhanut huniumaittut tunganitni amihutigininut avikhimani puqtunit Nunavutmi, piqartuq amihunik pityutit tapkuat Inuit atuttiaqiaqni inungnit ilagiyai havakhat.
- Atuqhugit piqatauyut piqatigikni katittaqtut naunaiyaqnilu piqataunit, Nunavummiut piqaqtitiyut hugiaqninut naunaiqkutat nakuuniqhamun pitquhit atugahuaquni qanuqtut hugiaqni tuluqtautit havakhanut pigurhaqnilu havakniqmun avatigiyaqni tahapkuat Inuit tamaitnut piqataulaqni kavamatkut havakhaitnut (Titirauyaaq 13).
- Iqaluitni, pingahuyaqniat kavamatuqatkutni Inuit havaktit tahapkuatluttauq qaphit Kavamat Nunavumi-kuni havakti maniyauyutlu piqatauyut piqatauyunut piqataupkaqnit katittaqni.
- Piqatauyut tapkunani Kivalliqmiuni ilalgit kavamatuqatkut, nunatagaqut nunaliuyutlu kavamatkutni havaktit maniyauyutlu; havaktiulaktut, himmaultaulaktut havaktit inniqhillaktut ilihaiyiniq; ilihagutinut piqaqtitiyut puqtuniqhatlu ilihavvit havakti; qangahaq iniqhiyut ilihavvit ilihavvit; havakhamun pivaliatitni havakti; havaktiuyutlu havakti maniyauyutlu.

Nunavummiut piqatauyut atugahuaquni nakuuniqpaniklu pitquhit tugangayut aallatqinut maligait tugaqtut ilagiqninut Inuit piyumayai, pilaqtunik, hannaiyaqnilu kavamatkutni havakhanut

- Havakniahaquni atugahuaquni nakuuniqpaniklu pitquhit maligait ilautitlugit atuqpiagialgit ayuitnit pivaliatitni, puqtuniqhat-ilihavvit iniqhiyut, nuktiqninut ilihavvitqiharniqmun ilihavvit, pivaliatitni atuttiaqniq ilihavvitqiharniqmun ilihavvit.
- Atugahuaquni nakuuniqpaniklu pitquhit havakvikmi ilalgit tahapkuninga maligait piyauyunut: havaktikhaqtarniq havaliqniqmun tahapkunani inungnit kivgaqtutit, ilaliutyaqni tapkununga Inuit ilitquhi uqauhitlu havakvikni, ilihavvit, pihimainnaqnilu puqtuhivallianilu.
- Piqaqtitni ihavvitqihavvit pinguaqunilu inungnit pityuhit takuyaunitigut atuqpiagialgit qanugitni pinguaqtitninut ilihavvitqihavvit havavvit havakhanutlu puqtuhivallianit parnavit pitaqtauni piyaqni Inuit.
- Hanivaivaiuni ilitquhit ilittuqhavit Inuit atuqpakhimayai ilihavvit tamatikni Inuit Inuinaungittutlu havaktit tautagaqut atuqpiagialgit tukligikniq pipkaqni kavamatkut havakvini tahapkuat Inuit tunngahuktitaqut atuttiaqtutlu.

Nunavut Kavamatkut Havaktit Naunaiyaut tuhagakhat akhuqyumiyaat tamna atuqpiarniq ilagiatni iliharniq uvaluniit havakniahaqhuni iliharniq atulaqnit ilagiatnilu ilittuqhautit tapkuat Inuit Havakhat Parnautit

- Tapkuat qulaani pingahut ihuaqhautit pukkitninut Inuit amihutikkutai aktilat uqaqtai tapkuat Inuit havaktit tapkuanguyut:
 1. ilagiatni iliharniq uvaluniit havakniahaqhuni iliharniq pilaqnit (56%);
 2. ilagiatni havakhuni iliharniq pilaqnit (50%);
 3. atugahuartitni inulgammit pinahuaqni ilihapallirniq (38%).
- Tapkunani Kavamatkut Nunavut, 38% tapkuat Inuit kamayiyut tapkuatlu 69% Inuitnaungittut kamayiyut ilihimayai piqagianga timiuyumi Inuit Havaktitnit Parnaut. Tapkunani Kavamatkut Kanata, malguk-pingahuyaqtuni Inuit kamayiyut (67%) tapkuatlu tamaita Inuitnaungittut kamayiyut (100%) ilihimayut piqagianga timiuyumi Inuit Havaktitnit Parnaut. Avatinnuangani nappait kamayiyut ilihimayut tapkuninga Inuit Havaktitnit Parnautitki ilihimayut tapkuninga qaphiuni tugagayut tapkununga Inuit havaktitnit.

Nainaqhugit atugahuaqtitni nakuuniqpatlu pitquhit naunaiqtai tapkuat Nunavummiut

Tahapkuat atugahuaqnit nakuuniqpatlu pitquhit tuhaqviuyut tapkununga Nunavummiut atuqtitlugu piqatauyut piqataupkaqnit katittaqtut piqatigiplugit piqatauyut atqutauyuq tahamani Kivalliq tamnalulqaluit avikhimanini.

Atugahuaqni nakuuniqpatlu pitquhit tapkununga Nunavummiut

- Havaktikhaqtarniq Itigianganul
 - Atupiaqni ihuaqhigialarniq havaktikhaqhiurniq maniyayunut
 - Pipkaqni ayuitninut unniqtutit apiqhuinitlu ayuitnit pivaliatitni
 - Ahivaqni aulatyutinut tuluqtautit havallaktunut
- Inuit Iitquhi Uqauhitlu
 - Piqaqtitni Inuit Qaujimajatuqangit ilitnirik pilaqnit
 - Piqaqtitni pivikhaqtitni Inuktitut atuqtauni havakvikmi
- Kavamatkut ilihaqnit
 - Piqaqtitni uktutauyut ilitnit pilaqnit
 - Piqaqtitni inmingnut-pinahuaqni iliharniq
 - Atuqni aalatqikni iliharniq pityuhit
- Pihimainnaqni Hivunmulaqtitnilu
 - Atuqni inmingnut pinahuaqni havakhat pivaliatitnit
 - Piqaqtitni pivaliatitnit pilaqnit
 - Pinguqtitni tunnganaqnit havakvikmi avatai atquhugit Inuit Qaujimajatuqangit
- Atugialgit Ayuitnit
 - Ilaliutyaqni Inuit hunauni nunalitlu ilihimani tapkununga piyalgit ayuitnit iliharniq
 - Pivaliatitni titiqanik ayunit

- Piguqhainiq pinahungarniq havakhamutlu puqtuhivalianiq atuqhugit piyalgit ayuitnit iliharniq
- Puqtuniqhat ilihavik
 - Pingurtitni ihuaqhihimanilu hakugiktumik inuliquitit havaqatigikni ilihagtunut
 - Piqaqtitni puqtuniqhat ilihavik havakhanik uvaluniit hivuligutinik uqautiyit
 - Pipkainiq ihuaqhilianik tamnal uvaluniit ikayugutit puqtuniqhanut iliharniq iniqhinq havagutit
- Nuktirniq Ilihatqikharniqmun Iliharniq
 - Piguqhainiq ilittuqhautinik atuqhugit havakhat takuginik havatlu uqauhiginik
 - Piqaqtitni iniqtigutikhat ikayuqninut nuktinqni ilihattikharniq iliharniq
 - Ihuaqharni nuktigutit ilihattikharniq iliharniq atuqhugit Nunavut Sivuniksavut
- Ilihaqikharniq Iliharniq
 - Piqaqtitni havaktinugharniq havaniklu atuqpalianiq
 - Pipkainiq iliharniq nunaliuyuni
 - Piqaqtitni ilikkut ilihavpaliqvut, ilihavatinik ikayuqnit
 - Piqaqtitni titiqatigut iliharniq pilaqnit

11.0 Iniqtigutit: pipkaqtai Nunavut Inuit Havaktiuyut Qauyihagani naluhuiqtait katitni tuhaqhittugit Inuit havakhaitnut parnautit havakniahaqhunilu iliharniq

Takukhautitninit qanuqtut akimun-piyauvaliqni Nunavut Inuit Havaktiuyut Qauyihagani naluhuiqtait katitaulaqni ikayugiangi tuhaumatitnik Inuit havakhaitnut parnautit havakniahaqhunilu iliharniq, tapkuat Iniqtigutit taiguat pinahuaqni atuqtauninut uuminga tuhaqhitaq nainaqhugit Naluhuiqtaulaqut qauyihagani, ihuarhaqni tahapkuat hitamat pityutit.

Tapkuat hivullit ilagit Naluhuiqtaulaqut piqagutauyut aturniqhanik hutqikni ilakhat pilaqinut, piyumayut, hannaiyaqhimayutlu Inuit piyuayumayunik uuktuqtunut atuqhugit havangittut, puqtunighanik iliharniq pitaqnia, inniqhimaittutlu tuhagakhanik.

Talvani nunatagauyumi puqtuninik, tapkuat qaphiuni havangittut Inuit piplugit ikitniqhamik puqtunighat iliharniq alilayurtaq ayyikkutainik tapkuat qaphiuni kavamatkut inniqhimaittut. Kihimik, piqaqtut allatqit nunaliuyut

- Nunaliuyuni tamnatut Iqaluit uvvaluniit Ikaluktutiak, tapkunani kavamatkut inniqhimaitni amigaitqiyai Inuit pihimayut mikiniqhamik puqtunighat iliharniq, kavamatkut havaktituyit akhugutiqalat havaktikharniq nunalikni Inuit uuktuqtut, tamnali taimainguq talvani Arviat, tapkunani qaphiuni inniqhimaitut ikitqiyat tapkunangaunganit qaphiuni havangittut Inuit piqaqtut puqtunighanik iliharniq (Titigat 2).

Titigat 2: Hutqikni havangittut Inuit tapkuatlu kavamatkut inniqhimaittut

Nunaliuyuq	Qaphiuni havangittut Inuit	Qaphiuni havangittut Inuit piqaqtut puqtunighanik iliharniq alilayurtaqtut avataanutluniit	Qaphiuni Inniqhimaittut tapkunani Kavamatkut Kanatami	Qaphiuni-nniqhimaittut tapkunani Kavamatkut Nunavut
Nunavut	3,370	1,190	70	1,285
Kugluktuk	180	75	0	34
Ikaluktutiak	145	50	8	127
Uqhuqtuq	185	85	N/A	30
Qauhuittuq	15	0	0	8
Qamanittuaq	245	70	N/A	32
Taloyoak	155	40	N/A	8
Arviat	370	130	N/A	51
Kangiqhiniq	255	120	0	115
Naujaat	95	25	1	10
Mittimatalik	155	85	1	52
Kangiqhugaapik	180	45	N/A	12
Iqaluit	375	130	57	595
Qikiqtarjuaq	60	20	1	6
Pangnirtung	130	50	2	46

Tuhagakhat pitaqvia: Kititaunit 2016; Kavamatkut Kanata, Tamaita Kavamatkut IEP-ngi, hannaiyaqtat tapkuat Pilimmaksaivik; Matyi 2017; Kavamatkut Nunavut, Mikhaanut Naamatikkutai Inungnut Kivgaqtiuyut, Matyi 2017

Nuttanga avataanut atuqpakniqhat unniqtutit pilaqnit, piyumayat, hannaiyaqhimanilu Inuit tapkununga kavamatkutni havakhanut, tapkuat Iniqtigutit taiguat ilalgit tahapkuninga pingahut katitaunit tuhagakhat qauyihagnilu, pinahuaqni tahapkununga pukittunik Inuit amihutigini avikhimani, puqtutqiyaaq qaphiuni inniqhimaittut, tamatkiknikluniit:

Havakniahaqhuni iliharniq tugangayut Nunavut Inuit Havaktiuyut Qauyihaqni nalvauyut tugangayut naunaiyainiqmun aaniaqtailiniqlu kavamatkut havanginut

- **Piqartuq 115 havangittut Inuit piqaqtut ilihatqikhaqni iliharniq tapkuninga STEM⁵ tamnaluniit Aaniaqtailiniq Nunaqhiniq talvani hilattuqhaivik puqtuniani (0 talvani university puqtuniani), naunaiqhugit tapkuat havakniahaqhuni iliharniq piyaqaqniat ilagiqninut ilauyukhat Inuit uuktuqtut hannaiqhimayut tapkununga naunaiyainiq aaniaqtailiniqlu tugangayut kavamatkutni havat.**
 - Nunavut Ukiurtaqtumi Hilattuqhaivik iniqhiyut atuqpialat piqaqviuni uuktuqtukhat – talvani 2016-2017 iliharniqmun ukiungani, piqartuq 107 ilihaqtut atiliuqhimayut tapkunani naunaiyainiq- tamnalu aaniaqtailiniq-tugangayut havagutit.

Inuit havaktut parnaut tugangayut Nunavut Inuit Havaktiuyut Qauyihaqni nalvauni tugangayut hivulirniqmun maniyauniqmutlu havanguyut

- **Ilagiyaini tapkuat tatyaa ilauyut Inuit kavamatkutni kamaiyuyut, piqaqtut 90 inungnik piyumaniqhaulat, hannaiyaqni pilatlu hivuliqtiniqmun maniyauyutlu havanginik, pilaqtutlu hivuliqtiniqmun maniyauniqmutlu havakhanik.**
 - Tahapkununga, 80 atuttialaqtunit Inuktitut tamnaluniit Inuinnaqtun, 30 havaktut talvani Iqaluitni, tapkuatlu 50 qangahaq iniqhiyut hivulirniqmik maniyauniqmiklu iliharniq.

Inuit havakniqmun parnaut havakniahaqhunilu iliharniq tugangayut Nunavut Inuit Havaktiuyut Qauyihaqni nalvauni tugangayut aulatyutinut havanguyut

- **Piqartuq amihunik qaphiuni aulatyutinut kavamatkutni inniqhimaittut iliharniqmutlu pitaqnit piyaiqainangittuq tuluqtautauuni tahapkununga Inuit uuktuqtut tahapkununga havaqnut.**
 - Piqaqtut 120 havangittut (pilaqnit) Inuit pihimayut ilihatqikharniqmun nanminiqarniqmik aulatyutiniklu.

⁵ Naunaiyainiq, pitquhiliqutit, qauyimayuniq, naahautiliginiqlu.

- Pinahuaqhugit atuqpakhimanit, tapkuangungittut iliharnqimun pitaqnit, uuktulaqtut havakniahaqhuni iliharniq havakhaqtarniqluniit nalvaulaqtugaluit tahapkunanga 60 havangittut Inuit atuqpakhimayut aulatyutinut kiinauyaliqutitlu kamayiuniqmun havaqnik aulatyutitlu havanguyut tapkuatluniit 75 havangittut Inuit pihimayut qangahaq atuqhimani aapisimi ikayugutit havagiyainik.
- Amihut Inuit tatya aulatyutinik kavamatkut havangini parnakhimayut havakhanut pivaliatitni parnakhutik uukturniq puqtutqiyaniq havakhanik (30%), ilihaqpalliqhutik (62%), iliharniqluniit (91%).

12.0 Tukliit atuqtakhat: Nunavut Inuit Havaktiuyut Qauyihaqni

ESDC-kut Nunaqaqaqtuligiyyit Ukiurtaqtumilu Qauyihaiyyit Havakvia nigiuktut piqatigininik tapkuat Tungavitkulu Timiuyuq-kut tapkuatlu Kavamat Nunavumi -kuni (atuqhugit tapkuat Nunavut Inuit Havaktiuyut Qauyihaqni Pitquhiligiyyit Havaqatigit Ilagit) pivaliatitnini tapkuat 2020 Nunavut Inuit Havaktiuyut Qauyihaqni tuhaqhitaut. Tamna tukliq NILFA tuhaqhitaut ilaliutiniagai tapkuat qauyihautit nutat tuhagakhat katitauni atuqhugit tapkuat APS 2017 pilaqtitnilu unnittiaqhimayut naunaiyaqni tahapkuat piqatigikni tahapkuatut pityutit tapkuatut aqnauni angutauni, aaniaqtailiniq, ukiungi, ahiilu inuliquitit-kiinauyaliugutit qanugitnit tapkuatlu Inuit pilagutai, piyumani, hannaiyaqhimanilu kavamatkut havaktit piplugit hivuagut ayurnaahimayut, ilautitlugit nunaliuyunit.

A1 Ilaliutiyaq: Unniqtutai Aturniqhat Taiguhit

A1.1 Inugiaknit, hamaumani nunaliqutitlu

Inugiakni

Ilalgit tapkuat tamaita kititauhimayut inugiakni Nunavutmi, tapkuat ilalgit Kanatamiut nunaqaqatauyut (inunitigut nunataqhimanitigutlu), ahiningaqtut nunataqtut nunaqainangittutlu nunaliuyut ilagiayilu nunaqaqatai tahamani Kanatami.

Talvani kititnini, tamaita iglumiutagit Nunavutmi pitaqtut taphuminga takiyumik-tatatiqvik Kititityut, tapkuat ilaqangittut Kanatamiuni nunaqaqatauyut nunaqallaktut ahiitni nunaqyuani; ilaunginnaqtut tapkunani Kanatamiuni nguyaktit havagiaqhimayut hilataani Kanata; Inuit nunalgit havakviuyuni katihimaniqni tahapkuatut aaniaqvut, munaqhiviuyut angilgat itiqtauvikyuatlu; Inuitlu nunalgit katihimaviungittuni katitaunit iglugiyaini tahapkuatut havakvit hiniktaqvut, hiniktaqviuyut, aulartunutlu hiniktaqvut, tapkuatlu ilihaqtut iglugiyai. Tuhaqpaligiami, takulugu [Kititauni Inugiaknit](#).

Nunavut Inuit

Talvani Kititauniani tamnalun Nunaqaqaqtut Inuit Naunaiyaut, tapkuat Nunavut Inuit inugiakni tikkuaqtauyuq tahapkunanga inungnit naunaiqhiyut tamnauyamingnik “Inuk (Inuit) ilikkut hunauini” nunaqaqtutlu Nunavutmi.

Tapkunani Nunavut Kavamatkut Havaktit Naunaiyaut, Nunavut Inuit ilalgit inungnik naunaiqhimayut hunauyamingnik atiliuqhimani malikhugu tamna Nunavut Angigut. Kiuyut pilat inmingnik-naunaiqni piplugit naliaknik ilauyamingnik taphumunga Nunavut Tunngavik Nanminilgit Atiliuqhimayut Titiqat.⁶ Inuit pilaqtut atiliurniqmik pigumik:

- Tamna Kanatamiuni nunaliuyuq
- Tamna Inuk malikhugu tamna Inuit pitquhiat atuqpaknitlu
- Naunaiqnia tamnauyanga Inuk

Nunaliuyuq

Nunaliuyut unniqtuqhimayut tapkunanga Kititaunit avikhimanit.

⁶ Tuhaqpaligiami, takulugu tamna Nunavut Angigut Atiliuqtut Havaguta, Nunavut Tunngavik Nanminilgit Piyulat talvanga: http://www.tunngavik.com/blog/initiative_pages/enrolment-program/

A1.2 Havaktut tapkuatlu havaktiuyut

Havaktiuyut

Tugangayut inungnut ukiulgit 15 avataanutlu piyut, atuqtitlugu tamna taiyauyuq havaguhiq, havaktitauyut uvaluniit havangittut.

Havaktiuyut = Havaktut + Havangittut

Havakpakhimayut havaktiuyut

Tugangayut inungnut 15 ukiulgit avataanutlu tatya havaktiuyunitut tapkuat havaktut qangaliqak atuhaqtunik qangiqtnik (tamnatut taimanga aipangani).

Havaktut

Inuit piyut, atuqtitlugu tamna taiyauyuq pivigiya:

- a) Kitunikliqak havaktuq tamaitni havaqni uvaluniit nanminilikni
- b) Havaqaqhimayuuq kihimik havangittuuq piplugit iniminut aaniarniq pimmaqlukniqluniit, inminik ilagiyaluniit havagiyait, haalitirniq uvaluniit havamut ihuigiyaqarniq.

Havangittut

Inuit piyut, atuqtitlugu tamna taiyauyuq pivigiya, havangittut tamnaluuq havakhaqhiurtuuq, havangipkagaulaktuq, uvaluniit havakhalik pigiaqtukhamik iluani hitamat havaguhiqni.

Havangittut amigaitnit

Tapkuat qaphiuni havangittut Inuit atuqatigiktut katitlugit havaktiuyut (havaktut havangittutlu).

Havaktiuyut piqatauyutamigaitni

Tapkuat katitlugit qaphiuni Inuit piyut naliaknik havaktut havangittutluniit atuqatigikni havalat ukiulgit inugiaknit.

Havaktiuyuningittut

Havalat ukiulgit inuit piyut, atuqtitlugu tamna taiyaunia pivikha, naliaknik pingittut havaktut havangittutluniit, naunaipkutagiplugu, inuit piyut ubluq tamaat ilihaqtut tatya ilihaqatauyut, angilgamikni kamayut, havaguiqhimayut, ukiup ilainani havaktut qiningittut havakhamik, tapkuatlu inuit havalaittut piplugu akuniyuq aaniaqtut uvaluniit pimmaqluktut.

Inuit naamatikkutai amihuni

Tapkuat qaphiuni Inuit atuqatigiktut tapkununga katitlugu inugiaknit (Inuit tapkuatlu Inuitnaungittut) piplugit havaktiuaqatauyut ilagit.

- a) Inuit atuqatigiktut havaktiulaqtunut ukiulgit inugiakni: tapkuat qaphiuni Inuit atuqatigikni tapkuat katitlugu (Inuit + Inuitnaungittut) havaktiulat ukiulgit inugiakni.

- b) Inuit atuqatigiktut tapkununga havaktiulat: tapkuat qaphiuni Inuit atuqatigiktut tapkununga katitlugu inugiaknit talvani havaktiulaqtut.
- c) Inuit atuqatigikni havaktunut: tapkuat qaphiuni Inuit atuqatigiknik tapkuat katitlugu havaktut inugiakni.
- d) Inuit atuqatigikni havangittut: tapkuat qaphiuni Inuit atuqatigiknik tapkuat katitlugu havangittut inugiakni.
- e) Inuit atuqatigiknik tapkuat inugiakni havaktiuyuningittut: tapkuat qaphiuni Inuit atuqatigikni tapkuat katitlugit inugiakni talvaningittut havaktiuyuni.

Inuit naamatikkutai tapkunani kavamatkut havakhai hatqiqtitauyut tapkuatut:

- a) Tapkuat qaphiuni Inuit havaktit atuqatigikni tapkuat katitlugit inniqhimayut inniqhimaittutlu havakhat.
- b) Tapkuat qaphiuni Inuit havaktit atuqatigikni tapkuat katitlugit inniqhimayut havakhat.

A1.3 Havanguyuq havakvitlu

Havanguyuq (piplugu tapkunanga Nunaqyuaqmi Havanguyut Taiyaunit)

“Havakhaq” tugangayuq tamna qanugittunia havaq havagiyauyuq havanguyumi, havaq tamnaunia tamaitnik havanguyut atuqtauyut taphumanga piluaqtumik gavakti iniqhiyanga taphuma taihimayumik havallik. Havanguyuq ihuaqhihimayut havat tapkuat naamaktumik ayyikkipiyait havaq havangiyaunia.

Qanugittunia havaq unniqtuta piplogu havagiyai, havat havgiyaily, havat havagiyaqaqnilu, amihuni ilalgit pityutai tahapkuatut hunat hanayaunit uvaluniit atuqtauni, taman havaktit pityuhit atuqtauyut, tapkuat hanalgutit atuqtauyut, hanayauyutlu kivgaqtutitlu piqaqtitni. Havanguyut tamaitnut ihuaqhihimani piplogit ayuitnit qanugittuni tamnalulu ayuitnit puqtunit.

Havanguyut taiyauyut atuqhugit tapkuat Nunaqyuaqmi Havaknit Taiyauni (NOC) havagutai. Talvani 2016 Kititauni, tapkuat NOC 2016 havagutai atuqtauyut. Takulugit tahapkuat atatyutai tuhaqpaligiakhaq takulugu tamna [Nunaqyuaqmi Havanguyut Taiyaunit – Piqaqnit Havaquatilu](#).

Havanguyuq tuhagakhat piyaulat tapkununga:

- a) Havalgit inungnut
- b) Inuit qangahaq havaqmik atuqhimayut.

Havakvit (piplugu tapkunanga North American Havakvit Taiyaunit Havagutai)

“Havakvit” tugangayut tapkuat tamaitnut havagiyaunit ilagit tapkununga maniliugutit hanayaunit ilagit, aturniqhat piqatauni taihimayumi atauttimittut huliniit. Tamna huliniit piluaqtumik pityuhiq ilaliutini hunat kivgaqtutitlu ilaliutinit, havaq maniktakhaitlu hanayangit hanayangit atauhiq uvaluniit ilaplugit hunat tamnalulu/ uvaluniit kivgaqtutit (hanayat). Amihuniqhani, tapkuat huliniit unniqtai havakviup tapkuat ihuaqhihimani piplogit tapkuat hanayauni pityuhit atuqnit.

Havakvit taiyauyut malikhugit tapkuat North American Havakvit Taiyauni Havagutai. Talvani 2016 Kititauni, tapkuat NAICS 2012 havagutai atuqtauyut. Tuhaqpaligiami, takulugu tamna [North American Havakvit Taiyauni Havaqutai \(NAICS\) Kanata 2012](#).

Havanguyuuq tuhagakhat piyaulat tapkununga:

- a) Havalgit inungnut
- b) Inuit qangahaq havaqmik atuqhimayut.

Nunavut inungnut ilagiyai

Tapkuat Nunavut inungnut ilagiyai ilalgit inungnik aulatyutit (tapkunani kavamatuqatkut, nunatagayut, nunaliuyutlu puqtunit), ilagiplugu ilaliutini havanguyut tapkunani aaniaqtalliniq munaqhiniq inuliquititlu ikayugutit, iliharniq kivgaqtutit inmiguqtutlu ilagitlu kivgaqtutit.

A1.4 Iliharniq

Iliharniqmun pitaqnit

Uuktugautit inungmun puqtuniqpat iniqhimani iliharniq.

“Ilihatqihaqni (puqtuniqhat) iliharniq alilayuqtaq uvaluniit ayyikkutanik titigartaq” tugangayut tapkununga naliat uvaluniit pingittuq inuk iniqhihimania ilihatqikharniq iliharniq uvaluniit puqtuniqhanik iliharniq alilayurtaq, iniqhiyuq titigartaq, uvaluniit ayyikkutanik titigartaq. Ilihatqikharniq iliharniq (puqtuniqhat iliharniq) alilayurtaq uvaluniit iniqhiyuq titigartaq ilalik ilihautinik uvaluniit havakniqmun puqtuniqhat iliharniq alilayuqtaq uvaluniit titigartat pitagaulaqni iniqhipluni talvanga ilihatqikharniq iliharniq. Puqtuniqhat iliharniq ayyikkutai titigartat ilalgit tapkuat atuttiaqni iniqhiniq taphuminga puqtunirhaq iliharniq ayyikkuta uuktugaut tapkuatut Tamaitnut Iliharniq Pivaliatitnit (GED) uuktugaut, uvaluniit pitaqnia tamna Inirniqnut Atuqtauvakni Iliharniq (ABE) titigaqtat tapkunani ayyikkutai tapkuat inirtauni ilihatqikharniq iliharniq. Tuhaqpaligiami tapkuninga iliharniq unniqtutai ihumagiyaunilu, takulugu tamna [Iliharniq Naunaipkutat Hivuligutit, Kititauni Inugiaknit, 2016](#).

Havat ilihautigiyat

Tugangayut tapkuat havagini uvaluniit pityutit iliharnit uvaluniit ilihautit piqtai piluaqtumik ilihautit uvaluniit havagutit ilihagat. Una alautyuta tugangayuuq tapkununga aturniqhat havagini uvaluniit tapkuat ilihautit uvaluniit iliharnit inuup puqtunirpaq iniqhimaya ilihatqikharniq titigartaq, alilayurtaq uvaluniit degree, taiyaunia malikhugu tapkuat [Taiyauni tapkuat Iliharngimun Havagutai \(CIP\) Kanata 2016](#).

Una aalatqiguta tuhaqhityutauyuq inungnut ukiulgit 15 ukiuliknit.

STEM havat ilihautigiyat

Tugangayuuq tapkununga naunaiyainiq, pitquhiliqutit, qauyimayuniq, naahautiliginiqlu tapkuatlu qagitauyanik naunaiyainiq havagiyai iliharniqmun.

Havagutit taiyauyut malikhugit tapkuat [Taiyaunit Iliharngimun Havagutit \(CIP\) Kanata 2016](#). Tuhaqpaligiami tapkuninga STEM ahianguqnilu tapkuat unniqtutai atukhaliqtitlugit, takulugu tamna [Iliharngimun Naunaipkutat Hivuligutit, Kititaunit Inugiaknit, 2016](#).